

عندما تستدعي المشاعر



## مجموعة تكوين المتحدة للطباعة والنشر و التوزيع

- جدة - حي مشرفة - شارع التضامن العربي
- info@tkween.net.sa
- tkween.net.sa
- 00966557772038



عندما تستدعي المشاعر

قصي مدهش

النسخة الأولى

١٤٤٤ هـ - ٢٠٢٢ م



بِسْمِ اللَّهِ الرَّحْمَنِ الرَّحِيمِ



## قصائد ومقطوعات

## يا منوة الرّوح

يا منوة الرّوح روعي لا تعذبها

أشفق على وصلك وبالهجرتجزاني!!

في خافقي عبرة ودي تجربها

والله ما عاد بالمدعوج تجفاني

وقلوبنا ويش غير الحبّ ذوبها

حبّ عفيفٍ على ما قيل ربّاني

هذي دروب الهوى كم لي مجنبها؟

والحين راجع لها دام العمر فاني

علّقت فيك الهقاوي لا تخيّبها  
أرجوك إرجع وبدّد وحشة أحزاني

فالنّاس ناسٍ ضمائرها تأنبها  
سبّة حبيبٍ لها رّوح ولا باني

يدّ تجوّدك حاول لا تسيّبها  
ولا بتبقى مثل ماكنت وحداني.

## خلّوني في الغربه

خلّوني في الغربه بعيدٍ لحالي  
نفسى اراجعها وارتب ورقها

بالأمس اشوفني بو زيد الهلالي  
واليوم أقل شيء جنبي فتقها

سوّيت كل ما في بالي طرالي  
حتّى الدرّوب العوج اعرف طرقها

ما هو تفاخر لكن اشرح حوالي  
لعل يتعظ بها من رمقها

الله يا زين الليال الخوالي  
النفس فيها ما تشكّت زهقها

والحين يصلاني من الهم صالي  
سهمه ورمحه في ضلوعي زرقها

ما عاد افرق بين مرّ وحالي  
والشمس مالي نفس اخايل شفقتها

## ياليل شاطرنى

ياليل شاطرنى لوعة محبّ تاه

حايرو ولايـدرى كيف الغضى يلقاه

فى زحمة الدّنيا والنّاس فى ملهاه

ضاعت ملامحها واحسرتى حسراه

ياليل لى ردّه بالروح أنا افداه

ياليل معروفك والله ما أنساه

هَذَا الَّذِي حَبَّه مِنْ بَدَّ خَلَقَ اللهُ

أَنْعَمِشْ خَلَايَا وَارَكِي عَلِي مَرَكَاه

الخَدَّ والمبسم      سبحان من سَوَّاه

والعين والحاجب      ياحلوهم حلواه

والخشم والجبهه      ويلى أنا ويلاه

جابت معاليقي      والقلب من أقصاه

أشهد شهادة حق      إِنَّ الَّذِي أعطاه

ما أعطى حدٍ غيره      والزَّيْن هو ملفاه

ياليل لي ردّه      بِالرَّوْح أَنَا أفداه

ياليل معروفك      والله ما أنساه.

## ساقني ساقني

رحت من بيثه على الباحه مسير  
ساقني ساقني على حوض المنيّه

حالي اللي رحى به.. كلّه تغير!!  
من وري ذيك الديار الغامديه

واثر موتي يحتريني من عصير  
ما دريت انّ (العيون) اكبر بليّه

هقوتي ثاقب نظر و العقل نير  
ما هقيت... انه يسوبي كذيه

خائفٍ من الله... وعقلي تحيّر  
جمرة اقدمي، واحجامي لظيّه

لا تشمّت بي... و مثلي ما يعيّر  
كمّ قبلي من محاجرها ضحيّه؟!

والبنادم... في حياته ما يخير  
ياخذ المقسوم... (ويقبّل يديّه)

ليت يا (نجلٍ) رامني ثمّ ذيّر  
كنت داري ويش مكتوبٍ عليه  
ما عطيتك فرصةٍ منها سهير  
جفن عيني و الضلوع الداخليّه.

## هذا الذي

القلّ ما ذلّ الرّياجيل الاحرار  
والمال ما حال الرّدي عن رداته

يا كثر ما نسمع طويلين الاعمار  
ويا قلّ من منهم يخرج زكاته

يا لله بارك فالذي يشعم النّار  
متوهّج بيته من اربع جهاته

ضيفه على هيلٍ وبنٍّ ومسمار  
يقلط وكنّه فوق دجله وفراته

هذا الذي يلفت بفعله الأنظار

من بعدما ذكّى للاجواد شاته

هذا الذي ندمحه لو صار ما صار

يمناه تشفع دام هذي سواته

هذا الذي نبكيه لاجات الاقدار

يا كيف نسلى لا سمعنا وفاته!!

## كفها المختضب

كفها المختضب مثل لون الشفق ما انخفق نبضي إلا من خضابها

قلبي اللي انبهر وانصهر يوم شافه يلفّ الجديله يمين ويسار

حسنها الطّاعي الباغي يقدح شرر مثلما فالسّما يقدح شهابها

لايمي لا تلوم المعنى لغنى بحبّ العذارى جهارٍ نهار

كنت عنهم بعيد الهدف والصدف حيّها ميتها رحم من جابها

لأنّها عرّفتني وسقتني لذيد النّبذ الذي سبّته عقلي طار

ايه معجب بها قلتها في وجهها كلمة تستحي منها ابدابها

لدّت بعينها صدّت بزيناها قالت الله مكثر مجنّن شهار

قبل أكمل كلامي الغرامي لقيته مشى وانتشى جنني واهدابها  
غلطة الشاطر بعشرة أمثالها راح وروح بروحي شبيه المهار

ليتني مكتفي نظرة واختفي كان ما أحرقته دمّه ولا أعصابها  
ويل حالي طوته الليالي بعد روحته رحت كني غريب الديار

صدق من قال هذا لسانك حصانك وكلمتك احسب لها حسابها  
ليت وقتي يعوّد واجوّد لساني عساني فدى سلسله والسّوار .

## ماشي كما نا

بسم الإله ابتدينا	من كلِّ فجِّ لفينا
للطَّايله جينا جينا	أصل العرب والعروبه
من بعدها ياسلامي	تسليمه كالغمامي
تنصى الرّجال الحشامي	اصل العرب والعروبه
ياهاجسي غنّي وافخر	وابدع بيوتٍ تمخطر
من حسنّها الاذن تسكر	اصل العرب والعروبه
ظهري وذخري الحضارم	ربعي سيوفٍ صوارم
حازت سنام المكارم	اصل العرب والعروبه
قوم الصّدق والامانه	مانعترف بالخيانه
لو طال وقصر الزّمانه	اصل العرب والعروبه

حنّا هو امير الاسواق	تجّار وعشّاق عشّاق
للمجد والرّاس خفّاق	اصل العرب والعروبه
الديّن ياكم نصرناه	عند الاعاجم نشرناه
بذر بذرناءه نلقاه	اصل العرب والعروبه
الحقّ ماشي كمانا	والحظّ قايم معانا
من فضل ربّ عطانا	اصل العرب والعروبه
من غير قاصر وتهميش	راس الكفو يبطي ويعيش
الطيب قسم المداغيش	اصل العرب والعروبه
واختامها يا الله إنّك	ترحم عظام المحنّك
مبعوث بالحق منك	اصل العرب والعروبه

## نصوص الشعر

نصوص الشعر تشهد يا حبيبي  
بأنك ماخذٍ جلّ القصايد

وغيرك ما يطاوعني قليبي  
بأنّي أكتبه ضمن الفرايد

أحبّك من بعيد ومن قريبي  
وأحبّك مثل حبّي للعوايد

غريبه؟! ما على الدنيا غريبي  
طواني مبسمك طيّ الجرايد

تغيب الشمس وشمسك ما تغيب  
سطوعك لابسه لبس القلايد

أنا في حرورتك حتى المشيبي  
ودمعي شاهد فوق الوسائد

أهله واكتم أصوات النحبي  
لجل ما تقربك وحننا بعايد.

## عزّاه يا قلب

اهتك ستار الصّمت بيني وبينك  
يفضح بياض الهرج سود المعاذير

كم لي وأنا الحقّ واقول وينك؟!  
وانت تبالغ بالحجج والمقادير

وان داهمت عيني متاهات عينك  
ترسم ملامح كذبتك بالطباشير

عزّاه يا قلب بحبه يدينك  
لو تقضي عمرك ماتسدّ الفواتير

## رجل طموح

يا الله إنك لا تخيب رجائا يا كريم  
فيك علقت الهقاوي وانا رجل طموح

حلمي قض مضجعي تالي الليل البهيم  
شفت أهدافي تأثر لي ويديها تلوح

كنها من فوق كئبان بعثها النسيم  
تطلب النجده ونفسي لنجدتها تنوح

وقعها في داخلي مثل رجال عقيم  
شاف له طفل ولا يقدر بجرحه يبوح

## سفن جبّي

يا شينها لا صرت راضي وزعلان  
ما عاد افرق بين وجهك ومقفاك

مرّه تجي عشقان وامرار عتبان  
ورغم المراره قلت: حياك حياك

زهر الهوى من بيننا اليوم ذبلان  
لنك بخلت وما سقيته بيمنك

وارست سفن حبي على مرفأ الاحزان  
رحله تعيسه عشتها في مداراك

كنت أحسب إنك مكسبي واثري خسران  
خسران حين أرهقت نفسي على ارضاك

## أبيات

لا عاش راسٍ يقبل الضّيم لا عاش  
وأهل المرّوة والنّواميس تسلّم  
أفعالهم وقلوبهم كنها الشاش  
يحلم منافسهم على الطّيب يحلم

يا سلام الله على ذيك اللعوب  
طايشه.. واللي يلاعبها يطيش  
من هواها كيف يا قلبي تتوب؟  
وانت ما تقدر بليّاها ((تعيش))

الشعر أسمى من سوا ليف الأسمار  
يا كيف لا!! والشعر فم التجارب  
ينطق حكم فيها خلاصات الأعمار  
يعطيك خبرة عود معكوف شارب

واهنيّ اللي خلا قلبه من الحب  
ما يذوق الضيم وينعم في منامه  
لي متى بخفي شعوري واتهرّب؟؟  
والعمر أقصر من رشوش الغمامه

احرص على يومك وشهرك وعامك  
غير الحياة هذي ترى منت شايف  
إلقي همومك خلف وانظر أمامك  
تلقى الفرح من حول كعبتك طائف

حبّك اللي نصّب في قلبي خيامه  
غصب عني انزعه وامحي دليله  
لوّأعض اصابعي حسره وندامه  
( ( خير من حبّ يخلّيني فشيله ))

اغنم حياتك قبل تقضي نحبها  
العمر فرصه والفرص ما تعوّض  
والنّفس حاذر لا تلبي طلبها  
الفالح اللي هذب النّفس ورؤوض

واعذابي من مجاهيم العيون  
قاتله واللي يحارشها يموت  
اودعتني في غياهيب المنون  
كنّي مغرّز وضايع في الخبوت

ما للحياة طعمٍ ليا شفتٍ محتاج  
يدّه تحدّه يسلك أردى الطّرايق  
وما للحياة طعمٍ ليا صابه احراج  
قلّه يذلّه بين جمع الخلائق

من كاس حبّك ودّي أروي عروقي  
ضميان وصلك؛ هذا وانتي معايا  
يعجز لساني عن توصيف شوقي  
لنّك عزيمة حسن سمحة سجايا

هموم الرّزق بصرف لك دواها  
دوى ناجع بعون الله يشافيك  
( ( تذكّر آخرتك وما سواها ) )  
بيعطيك الغني حتّى يراضيك

إن كان ودك تلفتين الرّياجيل  
رّجال ما تملى عيوني رخيصة  
واللي عيونه تسبرك كالدرابيل  
وش يبغى منك؟ أنتِ أدري وبخيصه!!

افرد جناحين الأمل والتفاؤل  
وانهض بعزمٍ مثل عزم النداءوي  
العقل في قلّ الحكي والتساؤل  
والجّهل في كثر السّخط والشكاوي

رمشك النّاعس يودّيني شمال  
وخصرك الضّامر يعوّدني جنوب  
اسألك بالله يا بنت الحلال  
ارحمي قلبٍ من الكحّه يذوب

يا حَبْنِي لأهل العقول الحكيمه  
ترخي عن الهفوات برقع حياها  
ويا حَبْنِي لأهل القلوب الرَّحيمه  
تسدل عن المحروم ساطع ضياها

لا تحسب ان المجد سهلٍ وصوله  
ودّك وانا ودّي ولاهي على الكيف  
-المجد ما كل الاوادم تنوله-  
المجد وزعه للذي يكرم الضيف

ما كل كلمة تنتعدى سهالات  
بعض الكلام نوقفه عند حدّه  
بالذات لا جابه عديم المرّوات  
( والله يبطي غير يلقي مرده )

يا وئتي وئمة المضيوم  
لا شاف خلّه مع غيره  
محروم من لذّته محروم  
ومعذور لو غادر الدّيره

العلم كأيدي على مثلك  
صعبه تشلّه وأنا موجود  
لاجيت خلّك على خلّك  
الزّود محدّ علينا يزود

الشّوق طيرٍ والغصن جفن عيني  
( ( لا مرّها النّسناس قامت توامى ) )  
يطري عليها طاري تلك السّيني  
... يومٍ توادعنا وقلنا سلاما...



## للمجاعة

العمر فرصه وحاول تنتهزها

لا تسوّف في المحبّة دون سبّه

ليش ياليل العنا يبطي مسيرك؟

والصّبح يكسل شعاعه عن بزوغه

مشكاة قلبك نورها في العبادة

إنزع عبادة الذّنّب واقبل على الله

يا قاري أبياتي ابوصيك بالجّار  
لا تسبر أغواره وتتبع محارمه

جيتك وانا في خاطري كلمة عتاب  
شفتك؛ وبدلت العتب بالحفاوه

الكلّ عنده ضغط وعنده مشاغل  
والمجد غالي والثمن حيل غالي

الصّمت في بعض المواقيف هيبه

ما زاد زود الصّوت قيمتك يافلان

عيش الحياة بحلوها والمراره

واحمد عظيم الشان دامك بصحّه

احفظ الله يحفظك من كلّ شر

وامتنع عن كلّ فتنه تعترضك

الصّدر يخفي كثير أخبار  
لله أشكي ضنى روعي

البعض همّه كيف يشرب وياكل  
والبعض همّه كيف يرقى المعالي

دكتور ( طالبك ) لا تنهي الدّرس  
حاجه في نفسي ودّي أقضي وطرها

وجهها مغزول من نسج السحاب

((وريقها أعذب من العدّ الزلال))

تدري متى تبخل وتلزم ريالك؟؟!!

إن كان حطّوا للكفن جيب يحفظه

حبل الوصل ما ينقطع بين الاحباب

يزداد متنه كلّما ضامه الوقت..

تم بفضل الله

